

Raaiṭ Soche Baaibal - Good Mind Scriptures

Maak 5:15 Ulog Yeeshu ke paas aain aur dekhin ki u admi jisman bhuut raha, kapra pahin ke saanti se beiṭha hei. U log ḫar gain.

Luuk 8:35 Huañ ke log i dekhe ke waaste aain ki huañ kon cheej bhais raha, aur jab ulog Yeeshu ke lage aain, to dekhe hei ki jon admi meñ dushṭ aatma raha, u achchha hoy gais aur kapra pahin ke, Yeeshu ke gor ke lage beiṭhis hei. U sab log ḫar gain.

Prerito Ke Kaam 17:11 Bireea ke log, Thisluneeka ke log se bahut achchha rahin, aur ulog khusi se sandes apnaay leen. Roj roj ilog Baaibal paṛhin ki jisse jaane sake ki i sab cheej sach hei.

Prerito Ke Kaam 20:19 Kuchh Yahuudi log hamaar agaiñṣṭ kaam karin aur hamme bawaal meñ fasaay deen aur sataain. Lekin ham chhoṭa ban ke aur Prabhu ke sewa karte raha.

Raom 7:25 Parmeshwar ke dhann hei! Yeeshu Maseeh hee hamme bachaai. Yahi kaaran ham dilo dimaag se Parmeshwar ke sewa karta hei, lekin dusra bagal hamaar selfish ichchha hamme paap ke kaanuun ke sewa karaay hei.

Raom 8:6 Agar hamaar dimaag hamaar ichchha waala baat maane hei, to ham jaruur marea. Lekin agar hamaar dimaag Aatma ke bal pe chale hei, to hamme jeewan aur saanti mili.

Raom 8:27 Hamaar man meñ kon cheej hei, u sab Parmeshwar jaane hei. Aur jab Aatma Parmeshwar ke log ke waaste preya kare hei tab u i bhi jaan le hei ki Aatma ke man meñ kon cheej hei.

Raom 11:34 "Kaa koi bhi Prabhu ke man ke baat jaane sakis hei ya uske sallaah dees hei?

Raom 12:2 I dunia ke log ke rakam nai bano, lekin Parmeshwar ke tumme badle ke mauka deo. Tab tum jaan lega ki kon kaam Parmeshwar ke khaatir ṭheek hei aur uske pasand ke hei.

Raom 12:16 Sab ke sañghe frends raho. Kabhi ghamand nai karo, aur log ke i nai dekhaao ki tum ulog se smaat hei. Saadhaarān log se mil jul ke raho.

Raom 14:5 Prabhu pe biswaas kare waala kuchh log i soche hei ki ek roj dusra roj se kahiñ jaada achchha hei. Baaki log soche hei ki sab roj ek baraabar hei. Lekin har ek admi ke aapan aapan bichaar apne tay kare ke chaahi.

Raom 15:6 Tab tum sab ek sañghe Parmeshwar, hamaar Prabhu Yeeshu Maseeh ke Pita ke baṛaai karega.

1 Kurinth 1:10 Hamaar pyaare dost log, jeise ke tum Prabhu Yeeshu Maseeh ke pichchhe chalewaala hei, ham tumse binti karta hei ki tum sab ekke baat bolo. Tum koi ke pach nai leo. Hardam wahi se raaji raho jon tum sochta hei ki ṭheek

hei.

- 1 Kurinth 2:16 Baaibal bole hei, "Kaa koi kabhi Prabhu ke bichaar jaane sakis hei ya uske sallaah dees hei?" Lekin ham log u rakam soche sakta hei, jon rakam Yeeshu soche hei.
- 2 Kurinth 7:7 Ham log Taaytas ke dekh ke bahut khusi bhaya, lekin hamme jaada khusi tab mila jab ham dekha ki kon rakam se tum uske saanti dia. U bataais ki tumme ketna kharaab laga aur hamaar waaste tumme ketna chinta raha. Aur i hamme aur bhi khusi kar dees.
- 2 Kurinth 8:12 I koi maane nai rakkhe hei ki tumhaar lage ketna hei. Kon cheej maane rakkhe hei ki tumhaar lage jetna hei usman se tum ketna de mañgti hei. (1 Kronika 28:9)
- 2 Kurinth 9:2 Ham janta hei ki tum ketna jaada de mañgti hei. Aur ham ghamand se Mesidonia meñ Prabhu ke chela log ke bataaya hei, ki tum Akhaaya ke log puura saal se taiyaar hei. Ab jab ki tum dewe mañgti raha, isse ulog bhi dewe maañge hei.
- 2 Kurinth 13:11 Namaste, dosto. Aur achchha kaam karo aur dhyaan dena ham kon cheej bola raha. Kosis karna ki sab ke sañghe saanti se rahna. Ab ham preya karta hei ki Parmeshwar, jon tumme prem aur saanti dewe hei, tumhaar sañghe rahi.

Efisia 4:23 Aatma ke, tumhaar soche ke ḍhañg ke badle deo,

Filippi 2:2-5 Ab hamme puura khusi karo! Ek dusra se prem dekhaay ke mil jul ke raho. Jon kuchh bhi tum sochta hei usman juña raho, ki jeise tum ekke hei. 3 Ghamanđ ya jaran nai karo, naram raho aur dusra ke apne se jaada khaas samjho. 4 Dusra ke eise dekhbhaal karo jeise apne aap ke karta hei, 5 aur wahi rakam socho jeise Maseeh sochat raha.

Filippi 4:2 Iuodia aur Santuke, tum duuno Prabhu ke hei, to ham binti karta hei ek dusra se jhagṛa nai karo.

Filippi 4:7 Jab ke tum Yeeshu Maseeh ke hei, Parmeshwar tumme saanti ke u aasheesh dei jon koi nai puura samjhe saki. Aur wahi saanti tumhaar soch aur keise mahsuus karta hei uspe kaabu kari. (Aayzaaya 26:3)

Kolosia 3:12 Parmeshwar tum sab se prem kare hei aur aapan khaas chuna hua log maanis hei. Yahi khaatir, naram raho, dayaal raho, meetha bolo, deen bano aur dheeraj rakkho.

2 Thisluneeka 2:2 ki tum Pawitr Aatma, vachan ya eise chiṭṭhi se jon ki tum samjhta ki hamaar bagal se hei, i bataay hei ki Prabhu ke din nagichche aay gais hei, biswaas nai karna aur ghabraana bhi nai.

2 Timathi 1:7 Parmeshwar ke Aatma hamme ḫarpok nai banaay hei. Aatma ham log ke sakti, prem aur apne aap ke bas meñ rakkhe ke dewe hei.

Taaytas 2:6 Yahi rakam naojawaan log ke bataao ki apne aap pe kaabu rakkhe.

Heebri 8:10 "Lekin ab ham Israayel ke log ke bataayga ki i hamaar nawa vaacha hei, 'Taaim aai jab ham, tumhaar Prabhu, ulog ke dimaag aur dil pe aapan kaanuun likhega. Ham ulog ke Parmeshwar rahega, aur ulog hamaar log rahi.'

1 Peeṭa 1:13 Saaodhaan raho aur seedha socho. Aapan puura aasha

Parmeshwar meñ rakkho, ki jab Yeeshu Maseeh lauти to u tum log pe ketna daya rakkhi.

1 Peeta 5:2 Jeise charwaaha log bhera ke dekhe hei, wahi rakam tum bhi u sab ke dekho jon ke Parmeshwar tumhaar dekh bhaal meñ chhoris hei. Parmeshwar ke khusi kare ke waaste i sab dil se karo, nai ki tum sochta hei ki tumme kare ke hei. I kaam u rakam karo jon tum kare mañgta hei, i nai ki tum peisa banaay mañgta hei.

2 Peeta 3:1 Pyaare dost log, i hamaar dusra chittthi hei jon ham tum log ke lage likhta hei ki tumhaar hausla barhe aur tum achchha se soche sako. Ham nai mañgta hei ki tum i bhulaao jon Parmeshwar ke nabi log bolin raha ki hoi.

Jeims 1:17 Har ek achchha aur sahi gift Pita ke lage se aay hei, jon swarag ke sab roshni banaais hei. U hardam ekke rakam rahe hei, aur kabhi bhi badal ke kariya parchhaaiñ nai banaay hei. (Job 23:13)

Revelashan 17:9 Jon koi ke dimaag hei u i baat samajh lei. U saat muur jis pe aurat beiñhis hei, saat pahaar hei. U muur bhi saat raaja log hei.

Roñg Soche Baaibal - Bad Mind Scriptures

Maak 7:21 Kaahe ke admi ke bhittar se, yaane man se kharaab kharaab bichaar nikre hei jeise ki luchpan, chor, hatya. (Hizkiyial 38:10)

Luuk 12:29 Wari nai karo ki kaa khaay ke hei aur kaa piye ke hei.

Prerito Ke Kaam 12:20 Herađ aur Taaya (Tyre) aur Sidon ke log ek dusra se bahut gussa meñ rahin. Ilog ke khaay-piye waala cheej wahi des se milat raha jahañ Herađ raaj karat raha. Kuchh log jaay ke Blaastus ke dekhin, jon Herađ ke ek bara ofisa raha. Ilog maañgat rahin ki Herađ aur shahar ke beech meñ saanti aay jaay, aur usse mile ke waaste ek din rakh leen.

Prerito Ke Kaam 14:2 Lekin jon Yahuudi log Prabhu pe biswaas nai karin, ulog geir Yahuudi log ke gussa karaais ki biswaasi log ke agaiñst kaam kare.

Raom 1:28 Aur jab ki ilog Parmeshwar ke baare meñ nai soche maañge hei, tab Parmeshwar bhi ulog ke dimaag bekaar kar dees hei. Yahi kaaran u sab kharaab kharaab kaam kare hei.

Raom 8:6,7 Agar hamaar dimaag hamaar ichchha waala baat maane hei, to ham jaruur marega. Lekin agar hamaar dimaag Aatma ke bal pe chale hei, to hamme jeewan aur saanti mili. 7 Ham log ke ichchha, Parmeshwar ke agaiñst hardam hoy jaay hei, kaahe ki u Parmeshwar ke baat pe chale nai sake hei.

Raom 11:20 U raaiñ baat hei. Lekin ulog ke kaañta gais raha kaahe ke ulog meñ biswaas nai raha, aur tum huañ hei kaahe ke tumme biswaas hei. To ghamand nai karo, lekin ñar ke raho.

2 Kurinth 10:5 Ham log jhagra miñaata hei aur sab rakam ke ghamand, jon koi ke Parmeshwar ke jaane se roke hei. Ham log, sab ke bichaar pakarta hei aur ulog ke Krist ke hukum manwaata hei.

2 Kurinth 11:3 Lekin ab hamme ḍar laga hei kaahe ke saait tumme koi bahkaay lei, wahi rakam jeise Eev (Hauwa) ke saañp bahkaay lees raha. Hame ḍar hei ki kahiñ tum Krist ke sachchaai aur pawitrta se soche band nai kar deo.

Efisia 2:3 Ek ṭaaim ham sab aapan deñhi aur dimaag ke selfish ichchha pe chalta raha. Ham log Parmeshwar ke gussa kara, aur ham log ke sab log ke kaṛa saja mile ke raha.

Efisia 4:17 Prabhu ke chela hoy se, ham tumme hukum deta hei ki beokuuf, aur bina Parmeshwar ke log rahe ke bañd kar deo.

Kolosia 1:21 Tum Parmeshwar se bahut duur raha. Tumhaar bichaar se tumme uske dusman banaay dees, aur tum bura kaam karat raha. (Proverbs 21:27; Hizkiyial 23:17)

Kolosia 2:18 Ulog se dhoka nai khaay lena, jon hambal bane ke dekhaawa kare hei aur jon ainjals ke weship kare hei. Ulog vision dekhe ke baare meñ ghamand kare hei. Lekin i sab bakwaas hei, kaahe ke u log ke dimaag selfish desires se bhara hei.

1 Thisluneeka 5:14 Hamaar dost log, ham tum se binti karta hei ki agar koi achchha se nai rahe hei to ulog ke chetaaoni deo. Agar koi chhuuṭ gais hei to ulog ke hausla baṛhaao, jon kamjor hei, ulog ke madat karo, aur sab ke saathe dheeraj se kaam leo.

2 Thisluneeka 2:2 ki tum Pawitr Aatma, vachan ya eise chiṭṭhi se jon ki tum samjhta ki hamaar bagal se hei, i bataay hei ki Prabhu ke din nagichche aay gais hei, biswaas nai karna aur ghabraana bhi nai.

1 Timathi 6:5 aur kharaab se jhagṛa kare hei. Ulog ke buddhi kharaab hoy gais hei aur sachchai se duur hoy gain hei. I log soche hei ki dharam tumme dhani banaai.

2 Timathi 3:8 Jeise Yannes aur Yambres, Maozas ke agaiñṣṭ karin raha. I rakam ke log sachchaaai ke dusman hei. Ulog ke dimaag bimaar hei, aur ulog ke biswaas bhi sachcha nai hei.

Taaytas 1:15 Ulog ke khaatir sab kuchh achchha hei, jon ke dil safā hei. Lekin ek abiswaasi jon ke dil meila hei, uske khaatir kuchh nai achchha hei. Uske dil aur dimaag duuno naas hoy gais hei.

Heebru 12:3 To aapan dhyaan Yeeshu pe rakkho, jon paapi log se kaafi beiijati sahis hei. Tab tum niraas hoy ke pēechhe nai haṭ jaayga.

Jeims 1:7/8 Agar tum u rakam ke admi hei, tab tum aapan dimaag nai banaay sakta hei aur log tumme biswaas nai kari. Tab Prabhu se bhi aasha nai karna ki u tumme kuchh dei.